



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Securitas.

urn:nbn:de:hbz:466:1-14259

CAPITA DEORUM. CAP. XXII.

Verbenarium fasciculi pulvinaribus dicati, Deos apud veteres significabant. Struppos eos vocabant. Erat vero mos olim dona ejusmodi Deorum capita nuncupare. Sane apud Tusculanos fasciculus, vel corona herbacea imposita pulvinari Castoris, Struppum vocabatur. Alii struppum idem, quod strophium intellexerunt. Unde apud Falscos Struppearia nuncupabantur festa, quibus ambulabant coronati. Attejus Philologus Græcum esse vocabulum struppum putat, quippe *στρουππος*, & insignis fuisse, quod Sacerdotes in capite ornando gestarent, sive ea corona esset, sive aliud gestaminis pro corona: de quo videndus Festus, sed in codicibus emendatis.

*Struppi
quid.*

DIVIPRÆCURLORIS CAPUT

CAP. XXIII.

Non temere vero in nostram usque diem mos plerisque Italiae civitatibus perduravit, unam è verbenis speciem, eamque & grandiore & odoratior in D. Johannis Præcursoris memoriam celebrare. Herba enim ea lato folio est, crispatoque, aspera admodum lanugine, coloris cineritii multis scissuris corrugato, acutissimi odoris ac per jucundi, caule præalto, ramo, quadranguli, puniceis floribus adbuglossæ propemodum similitudinem condensatis, intra quorum calices grana quatuor singulis, veluti panici papaverisve reperiuntur, quibus excussis pediculo pars adjuncta remanet, quasi quædam macilentæ capitis effigies, idque D. Johannis caput vulgus dicitur, herbamque ejus nomini dicatam, non sine pietatis ostentatione pulvinaribus imponit, eademque privatarum ædium januas parietesque ornat, tamquam amuletum sit minime contemnendum. Nec me latet verbenas pro quibusdamque sagminibus in sacris acceptas, & coronationum ritibus herbas quascumque; è Capitolio deceptas, pro verbenis habitas: ipsam autem verbenam multis à Dioscoride nominibus appellatam, & quæ super eam plurimi ætate nostra conscribere, quæ hic repetere superfluum esset.

*Verbena
descripta;
& usus.*

*A Plin. lib.
22. c. 2.
Vna cum
sua terra.*

NOVA NUPTA. CAP. XXIV.

Qui vero puellam pingunt verbenam sub amiculum occultantem, hieroglyphicum hujusmodi novam nuptam significare tradunt. Siquidem mos erat nuptiarum sacro faciendo, ut nova nupta corollam de verbenæ floribus à se lectis sub amiculo gestaret. Sunt & alii verbenæ sive verbenacæ usus alii atque; aliis antiquorum ceremoniis, magicis etiam elusionibus accommodati: sed nos eam tantum delibamus, quæ ad alicujus hieroglyphici significationem pertinent.

*Plin. lib.
25. c. 9.*

DE FILICE.

VOLATUS. CAP. XXV.

Filix quoniam Struthio cameli pennis assimilatur, sunt qui volatum per herbam eam figurare ceperint, quod mihi non usque quaque approbatur. Nam licet unaquæque penna volatus hieroglyphicum sit, instrumentumque; ejus rei proprium, cum tamen manifestum sit Struthio camelum omnibus alitibus unum ob vasti corporis molem, vix posse sese humo attollere, alis vero uti ad cursum tantum adjuvandum, congruum mihi non videtur ab eo significatum id de sumere, quod ipse sibi natura repugnante præstare minime possit. Sed de Struthio camelo satis inter alia significata. Id de filice proditum, non Struthio cameli tantum causa herbam eam Pteryga vocari à Græcis, sed quod quæ univertum folium ejus sit pennis alitum simile: de quo & Dioscorides & alii plura.

*Dioscor. lib.
4. c. 78. &
79. Plin.
lib. 27. c. 9.*

SECURITAS. CAP. XXVI.

Magis autem placet illud quod securitatem per filicis hieroglyphicum indicari quidam memoræ prodiderunt, propterea quod ejus herbæ odor serpentes fugat, animantium quippe genus

nus omnino perniciosum: eaq; præcipue de causa rusticos eiusmodi folii grabatos suos facere con-
fuisse, ut interpretes Theocriti tradiderunt.

ODIA CAPITALIA. CAP. XXVII.

*A Diosca-
ride lib. 4.
c. 78.*

Idem est silicis hieroglyphicum, ut arundini adalligata capitales indicet inimicitias: ad coenam
inter se dissident, ut altera alteram enecet, coronæ modo circumducta, vulneribusq; altera inipe-
factis: contusa altera & imposita efficacissimè medeantur. De quibus ita Celsus: *Pessima ex iure
arundo est, quia aspera eademq; offensa etiam in silice est, sed usum cognitum est, ut ramus, adversus alter-
ram medicamentum esse, si contrita superimponatur.* De dissentione ita Plinius: *Silices ajunt non re-
nasci arundine secta, aut exarata arundine vomeri imposita: similiter & arundinem exarata vomer-
i imposita silice præcipiunt.* Quod vero ad supradictam pertinet medicinam, apud eundem lib. 24.
cap. 11. eadem quæ Celsus tradit, legas.

Plin. libid.

DE ABSINTHIO. CAP. XXVIII.

Quid sibi vellet Absinthium de favo mellis enatum, in Apis Commentario Lucretianum locuti
carmen indicavimus: quid simplex sibi velit, exponamus.

SALUTIFERA CASTIGATIO.

CAP. XXIX.

*Absinthii
& Mellis
virtus con-
traria.
A Dioscor.
lib. 3. c. 23.*

Significat enim graminis huius hieroglyphicum objurgationem, quæ cuiuspiam salutem attulerit
qua scilicet increpitus qui tota aberrabat via prolapsus in scelera voraginem, in meliorem mox
regressus semitam, abjectis à se vitis vitam inde degat inculpabilem. Amarissimum est enim Absin-
thium gustu, perinde ac objurgationes unicuiq; videntur acerbæ, sed si haustum non revomatur,
omnem purgat intestinorum fæcem: contra vero mel, quæ placidæ sint adulationes, bilem au-
get. Dicit enim Horatius ex medicorum dictatis, *Dulcia se in bilem vertunt*, id eoque hominem in
morbi alicujus incommodum trahunt: quæ de re fati in Cervo, qui fistula sonantis adulatione de-
ceptus venatoris jaculum in se directum minus advertit.

SACERDOTIUM. CAP. XXX.

*Dioscor. li.
3 cap. 24.
Plin. 27.
cap. 7.*

Erat vero Absinthium marinum, quod quidam Seriphium vocant, Sacerdotum Isacorum ge-
stamen: huius enim ramum illi præferre solemne habebant oleagineorum ramorum loco, ut apud
Dioscoridem lib. 3. Quod vero Seriphium Absinthium, quod & marinum dicitur, auctor idem, ac-
que non Plinius ajunt Taphosiri in Aegypto lætissimè provenire, Taphosiri urbem Stephanus deo
dictam ait, quod ibi sepultus sit Osiris.

SANITAS. CAP. XXXI.

Quod vero poculum Absinthii quadrigarum agitata toribus propinatum legas, indicat id Latino-
rum victorem: his enim feris qui quadrigis vicerat, Absinthium in Capitolio bibebat: idq; mi-
jores nostri sanitatem interpretabantur, quod magni satis præmii loco dare se profitebantur.

HYSSOPUS.

ELUTIO. CAP. XXXII.

*Divina
Hyssopi si-
gnificatio,
Psal. 51.*

Hysopus in Divinis literis hieroglyphicum est gratiæ spiritalis, perquam inquinati labe si quid
eluinur. Eius aspergine mundatur quoddam lepræ genus. Lepra passim humana delicta signifi-
cat, sive peccatorum maculas appellare libeat. Hinc apud Psalmographum, *Asperges me Domine hyssopo*